

***MONTE GRISA**

**Passà xe i tempi che sul monte Grisa / te podèvi 'ndar in mudànde e camìsa
a distiràrte soto el fogliàme / un quarto de nero, un panìn de salàme.**

Portarte drìo 'na bela mulèta / passarse insieme unà meza orèta.

**Là dove iera l'erba adesso xe... tempio mariàn,
un brusco che rovina tuto 'l nostro altopiàn!**

**No xe più pase in mezo ai prati / xe tuto un tràn tràn de preti e de frati,
de suore mòinighe, vecie zitèle / che le te vendi madòne e candèle,
babe che canta, campàne che sòna / xe ormai un fèstival dela madòna!**

Là dove iera l'erba, ecc.

**Là in mezo al bosco, per star più freschi / i ga fato un bunker, come i tedeschi,
che'l ga la sagoma -i me ga dito- / dèle piramidi, quèle de egìto
e in quela tomba, de faraòni / xe tùto el clèro che rompi i coioni.**

Là dove iera l'erba, ecc.

**Soto le pière, iera solo scarpioni / 'desso xe preti che sta' sui coioni,
preti che canta, campane che sona / no xe più pàse, santa madòna,
aboliremo la legge merlin / e de quel tempio faremo un casin!**

Là dove iera l'erba, ecc